



Broj: 13-01-05-18525/13
Sarajevo, 08.10.2013.godine

SKUPŠTINA KANTONA SARAJEVO **- O V D J E -**

Poslanik Kenan Ademović, na 28. Radnoj sjednici Skupštine Kantona Sarajevo, održanoj dana 28.08.2013.godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo postavio je zastupničko pitanje:

„Da li ova Vlada na čelu sa SDA ne dajući redovne plate sudovima i Tužilaštvu Kantona Sarajevo, želi da utiče na istrage, ishod istraga ili presude koje će se valjda pokrenuti poslije 20 godina, a te istrage treba da daju odgovore na to ko je zloupotrebio položaj, oštetió Budžet Kantona Sarajevo, izvukao sredstva iz javnih preduzeća Kantona Sarajevo, ko je zloupotrijebio položaj od strane direktora, članova nadzornih odbora i upravnih odbora, ministara i premijera i doveo Kanton Sarajevo i javna preduzeća u ovakav položaj, direktno ili indirektno od 1996.godine do danas?“

„Šta je ova Vlada učinila i čini da dostavi svu potrebnu dokumentaciju nadležnim institucijama kako bi odgovarali:

1. oni koji su doveli KJKP „GRAS“ u milionske gubitke,
2. oni koji su potpisali štetan ugovor za KJKP „GRAS“, a ugovor potpisan sa „GREEN OIL“ vezano za benzinsku pumpu – po meni pranje novca,
3. za gubitak KJKP VODOVOD I KANALIZACIJA,
4. za nestanak željeza iz kruga Skenderije u vrijednosti od 300.000,00 – 400.000,00 KM, šta se desilo sa željezom itd.
5. za milionski gubitak Toplana,
6. za zloupotrebu položaja Dom zdravlja Kantona Sarajevo, Zavod zdravstvenog osiguranja KS i Klinički centar Univerziteta u Sarajevu,
7. za Merhamet – milionske pronevjere i
8. novac koji je dolazio u ratu – gdje je novac?

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo na osnovu javnog poziva koji se svake godine objavljuje finansira/sufinansira rad udruženja građana i humanitarnih organizacija.

Na ovaj način sufinansira se i rad Udruženja humanitarne organizacije „Merhamet“ iz razloga što ovo udruženje svoju djelatnost zasniva na pružanju pomoći socijalno ugroženom stanovništvu, promovisanju solidarnosti kao i drugim humanitarnim djelatnostima. Finansijska sredstva koja se izdvajaju za rad ovog udruženja osiguravaju se iz budžeta Kantona Sarajevo, sa pozicije ovog ministarstva, a u skladu sa dostavljenim Programom rada Udruženja za tekuću godinu. Isto ima obavezu kvartalno i godišnje dostavljati finansijski obračun o utrošku doznačenih sredstva, a što

redovno čini. Uvidom u dostavljene izvještaje vidljivo je da se sredstva troše namjenski, u skladu sa djelatnošću i programskim aktivnostima Udruženja. Napominjemo da Ministarstvo redovno prati rad ovog udruženja te da do sada nisu uočene nepravilnosti u radu sa aspekta utroška sredstava i pružanju usluga licima u stanju socijalne potrebe.

Pripremila: Azra Mulaomerović

Kontrolisao: Mesud Peljto

DOSTAVLJENO:

- Naslovu,
- Co: Stručna služba Vlade,
- a/a

MINISTAR

Muamer Bandić, dipl. iur.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

